



САМУРДИН

ссс

«Магъарамдхурун район» МР-дин общественно-политический газет.
Общественно-политическая газета МР «Магаражентский район».

Тешкилайди: «Магъарамдхурун район» МР.

Газет 1951- йисалай акъатзава. № 42 (7758) киш, 3 - октябрь, 2015- йис. Къимет 6 манат.

МР-дин АДМИНИСТРАЦИЯДА

Цин къадар ва ери хъсанарин

28- СЕНТЯБРДИЗ киле фейи муниципальный райондин администрациядин аппаратдин совещание, эхиримжи вахтара адет хъанвайвал, хуш хабаррилай башламиш хъана. «Магъарамдхурун район» МР-дин Кыл Фарид Агъмедов халкъдин культура хунай, мягкемарунай ва культурадин рекъяй санал кваллахун вилик тухунай РД-дин культурадин министерстводин чухсагул малумарнавайдан гъакъиндай чар ва Магъарамдхурун райондин культурадин управлениедин начальник Эседуллагъ Селимов халкъдин культура хунай ва вилик тухунай РД-дин культурадин министерстводин Диплом вахкана.

Ахпа муниципальный райондин Кыл Фарид Загъидиновича «Магъарамдхурун райондин агъалияр 2012-2017- йисара хъвадай ери авай целди таъминарунин гъакъиндай» муниципальный тайин тир мураддихъ рекъе тунвай программа умуурдиз кечирмишзавай гъалдин гъакъиндай информация авун патал гаф «Эцигунрин, архитектурадин ва ЖКХ-дин отдел» МКУ-дин начальник Малик Беговаз гана.

Малик Юнусовича къейд авурвал, муниципальный тайин тир мураддихъ рекъе тунвай Програма умуурдиз кечирмишун патал тайин тир кваллах тухванва. «Чепелар-Магъарамдхурун-Гъепцегъар» групповой водопровод янава. Цийи булахрай яд къачузва, яд кватлдай ва пайдай

алава гъавизар эцигнава. «Ярагъкъазма-Цийихуур-Къиличхан-Къуьчхуур» групповой цийи водопроводдин проектрини-сметадин документация гъазурнава ва адан ахтармишунар киле фенва. Яргъал девирда ишлемишун себеб яз килин ва чара ийизвай сетар технический разивал тежедай гъалдиз атанва. Нетижада мукъвал-мукъвал аварияр жезва, туклуур хъувун патал члехи такъатар серфзава. Яшайишдин квалерин къадар эхиримжи 30 йисуз гзаф хъуниз килигна куьгъне системадивай агъалияр целди таъминариз жезвач. Коммуникацияр ва тадаракар куьгъне хъун, миьхунин куьгъне къайдаяр себеб яз цин ери агъуз аватзава.

Совещаниедал гъалай месладай агъалияр хъвадай целди таъминарунин кваллах йигинарунихъ рекъе тунвай кърар къабулна.

Аппаратдин совещаниедал гъакл чпи тухузвай кваллахрин гъакъиндай УО-дин начальник У. Абейдуллаеван, райадминистрациядин кадровый кваллахдин ва информациядин таъминарунин отделдин начальник Л. Буржалиеван, УК-дин начальник Э. Селимован, «Хурун майишатдин отдел» МКУ-дин директор, хурун майишатдин илимрин кандидат Н. Ибрагимован, ОВД-дин начальникдин заместитель Г. Эфендиеван ва масабурун информацийрихъни яб акална.

Ф. ГЪАЖИЕВ.



ФУТБОЛ-2015

Вилик

важиблу

къугъун ква

2015- ЙИСАН сентябрдин вацра 3- дивизиондин (ЮФО ва СКФО) футболдин командайрин арада футболдай Россияда сад лагъай чка патал киле физвай къугъунрин календарда къалурнавайвал, вичин стадиондал 3 команда - «Динамо-Дагестан», «Магас-ИнГУ», ва «Хасавюрт» къабулна. Пуд къугъунани чи гадаяр инанмишвилелди гъалиб хъана.

30- сентябрдиз Магъарамдхуре «Хасавюрт» командадихъ галаз киле фейи къугъун футболдал рикл алайбуру члехи интерес аваз гузлемишзавай. Къугъун мугъманрин вири къуватар кватнавай гъужумдила башламиш хъана. Абуру ракъ чимизмаз гатут лугъудай мисалдал амал ийизвайди хъиз тир. Амма варариз абурулай туп ягъиз алакънач. Акси яз чи гадайри мугъманрин къапучи варарай пудра туп акъудуниз мажбурна.

И къугъуна иллаки Т. Къадимов тафаватлу хъана. Ада акси варариз къве туп яна. Пуд лагъай тупни ада давла гуналди жегъил футболист Гъажиди яна.

8- октябрдиз «Лекиди» вичин стадиондал Астрахандин «Волгарь-М» къабулда. И къугъун лугъун хъи, «Леки» патал иллаки важиблуди я. Астрахандин команда гужлуди яз гъисабзава. 8- октябрдиз «Лекидин» тереп хуьз кватлжен чун.

Ф. ГЪАЖИЕВ.

ЕРИШ ЯВАШАР ТАВУНА

1941-1945- йисара Ватандин Члехи дяведа Советрин халкьдин Гъалибвили 70 йис тамам хьуниз талукъарна Вирироссиядин «Растим патриотов России» конкурс кьиле тухванай. И конкурсдин райондин этапда «Боевой настрой» номинациядай 2-чка кьур Магъарамдхуьруьн М. Гъажиеван тварунихъ галай 1- нумрадин СОШ-дин тарихдин малим Гъажибутаев Ярмет Муьгъуьдинович райондин образованийедин управлениедин Грамотадиз лайхлу хъанай.



Гуьгъуьнлай ам 1941-1945- йисара Ватандин Члехи дяведа Советрин халкьдин Гъалибвили 70 йис тамам хьуниз талукъарна Вирироссиядин «Растим патриотов России» конкурсдин республикадин этапда активвилелди иштирак авунай ва къазанмишай агалкъунрай Дагъустан Республикадин образованийедин ва илимдин министерстводин, дяведин, зегъметдин, ВС-дин ва къайдаяр хуьдай органрин ветеранрин (пенсционеррин), ветеранрин Республикадин комитетдин къвед лагъай дережадин дипломдалди наградитна. Гъа ихътин диплом Магъарамдхуьруьн М. Гъажиеван тварунихъ галай 1- нумрадин СОШ-дизни гана.

ЯРМЕТ Муьгъуьдинович дяведин аялрин жергедай я. Агъа Ярагърин хуьруьн колхоздин чубан тир адан буба фронтдиз рекъе гъатай 1942- йисан январдиз Ярмет пуд йисаз кам вегъенвай аял тир. Хизанда адалай гъейри мад къве вах авай. Пуд аялдиз тлуьн гун патал диде колхозда йифюгъ лугъун тавуна кваллах авуниз мажбур хъана.

Моздок шегъерда дяве авуниз гъазурай ва присяга къабулай буба Муьгъуьдин къати женгер кьиле физвай

Украинадиз рекъе туна. Ахпа адаз Курско-Орловский дугадал кьиле фейи ягъунра иштиракун къисмет хъана. Гъа ина Успи хуьр патал кьиле фейи къати женгина адал залан хер хъана ва гъа ина адаз сур къисмет хъана.

Дидеди гъвечли Ярметаз ва адан къве вахаз неинки дидевал, гъакI бубавални авуна. Ам дяведин йисара галатун тийижиз члугур гъакъисагъ зегъметдай ругуд медалдиз лайхлу хъанай. Ам яшар виш йисахъ агакъдайла рагъметдиз фена.

Ярмета дидедин зегъметар ва умудар бада ракъурнач. Ада Вино Ярагърин ирид йисан школа, ахпа Магъарамдхуьруьн юкъван школа акъалтарна. Бубади женгер члугур Украинада армиядин жергейра къуллугъна. Къуллугъ аферин алаз акъалтларай младший сержант 1962- йисуз Дербентдин культурадин просветительный училищедиз гъахъна. Ам акъалтларайла Магъарамдхуьруьн райондин культурадин отделда, пионерин Кивале, мушколада, райондин методкабинетда кваллахна.

Ярмет Муьгъуьдиновича гъа и йисара кваллахдивай къерех тахъана Дагъустандин госуниверситетдин тарихдин факультетни агалкъунралди акъалтарна. 1994- йисалай инихъ Магъарамдхуьруьн М. Гъажиеван тварунихъ галай 1- нумрадин школада тарихдин ва обществознаниедин малимвиле кваллахзава. Ам школада, районда, республикада кьиле физвай журебажуре конкурсрин, олимпиадайрин активный иштиракчи я. 1- категориядин малим тир ам, винидихъ тваркъунвайбурулай гъейри, гзаф къадардин Гуьрметдин грамотайрин, дипломрин, пулунин пишкешрин ва гъевесламишрин сагъиб я.

Алай вахтунда Ярмет Муьгъуьдиновича Магъарамдхуьруьн М. Гъажиеван тварунихъ галай 1- нумрадин школада, вичиз адет хъанвайвал, ериш явашар тавуна кваллах давамарзава.

Фикрет ГЪАЖИЕВ.

**СА КАСНИ
РИКІЕЛАЙ
ФИДАЧ**



26- сентябрдиз Магъарамдхуъруьн килихъай фенвай шегъре рекъин кърехдал Тагъирхуърел фидай рекъин къекъуьнда Гъалимов Бейдулла-гъа рекъе авайбур патал къванцикай эцигнавай квалин патав гзаф инсанри иштиракай мярекат кыле фена. Ам машинарь гуьзлемешдай квалел, Низами Бейдуллагъовичан твар эбеди рикел аламукъдайди авун патал, мемориальный доска ачухуниз ва гъа и куьчедиз Низамидин твар гуниз талукъарнавайди тир.

Гъалимов Низами Советрин Армиядин жергеяра къуллугъ ийидайла къагъриман хъиз телеф хъана. Ам эхиримжи сеферда рекъе тваз гуьрмет авунин лишан яз Магъарамдхуъруьз армейский къуллугъдин юлдашарни хтанвай. Адалай инихъ гзаф йисар алатнава, амма эхиримжи нефесдалди Ватандиз, яракъдин юлдашриз вафа-

ЭБЕДИ РИКІЕРА АМУКЪДА

УьМУЪР манасуз кечирмишай йисарикай регъуь тежедайвал кечирмишна кланда, - лагъанай Островскийди. Заз акъ я хъи, Гъалимов Бейдуллагъаз гъа и фикирдикай вири уьмуьрда звез тежедай лишан, чуриз тежедай рехъ хъана. Уьмуьр жегъил чавалай секинсуз пешедиз- инсандин секинвал ва саламатвал, къайдакъанун хуьниз бахшай ада пенсиядиз экъечдалди вафалувилелди, уьтквемвилелди, женгчивилелди вафалувал къалурна. Къулугъдин везифаяр кылизи акъудайла уьмуьр хатуливилик акатай, яракълу тахсиркардин хураз текдиз феи дуьшуьшарни хъана. Пенсиядиз экъечайлани Бейдуллагъ Гъалимоваз секинвал чир хъанач. Ам гъамиша жемятдин юкъва аквада, къуни-къуншидин, хуьруьн гъалдин къайгъуда жеда. Ада рикин эмирдалди хийирлу гзаф крарик кыл кутуна. Месела, ада вичин харжидалди Магъарамдхуъруьн куьгъне сурариз турбайра аваз хъвадай яд гъана ва кран эцигна. Сурарик цийи варар кутуна. Аваданламышунин маса кваллахарни авуна.

Бейдуллагъ Гъалимов чехи хизандин кыл я. Туруни куруна авайди къачуда, - лугъуда лезгийри. Бейдуллагъ Гъалимован веледарни гъа буба хътин низамлу, савадлу, бажарагълу, инсанвили буржи гъамиша вине къадайбур хъана.

лу хъайи Низами рикелай алатзавач, я алатни ийидай. Гъа и фикирар анал кыле феи митингдал рахай малимар тир Къ. Регъимханова, Х. Хидирова, школадин юлдаш Къадашева райвоенком Э. Гъажиева тестикъарна.

Куьчедиз Низамидин твар гуни ва мемориальный доска ачухунин митинг «сельсовет Магарамкентский» СП-дин аваданламышунин рекъяй мастер М. Яралиева ачухна ва къагъриман хцин уьмуьрдикай суьгъбет авуна. Ахпа СП-дин кыл Р. Агъамирзоева Магъарамдхуъруьн агъали Гъалимов Низами Бейдуллагъович эбеди риклера хуьн патал куьчедиз адан твар гуни гъакъиндай къарар клелна.

Ахпа буба Бейдуллагъа ва Р. Агъамирзоева мемориальный доскадин чинай авадарнавай перде ачухна.

Анал гъакъ Р. Агъамирзоева куьче къайдадиз гъун хиве къуна.

Фикрет ГЪАЖИЕВ.

Шикилра: мярекат кыле физвай чкадал.
Р. ГЪАЖИЕВАН шикилар.





Литературадин йис



ПИСНИ ХЪСАН САНАЛ ЖЕДА ДЕКЪЕНА

(поэзия-прозада)

(Эхир. Эвел 39- нумрада).

Тамам кьуд йисуз Гъасана, Юсуф хандиз мирзевиле кваллахна, гъа са члавуз ада хандин аялриз, тарсарни гуз алахъна. Хъсан фенай кьве патанни кваллахар, эхир кыляй хандин кылел кьвана хар. Харни кьурна Гъасан эфендиди кхъей фарманди.

Урус пачагъдин Указди, фяле-лежбердиз азадвал багъишнай, и багъишди Дагъустанда ханлухар вегъенвай кьван кьуватдай. Инизни тамаш тавуна, Юсуфа, вичин ханвал хъийизвай. Губернатордин векилди, Вини Ярагъдал атана хан Дербентдиз хутахнай.

Гъадлай кьулухъ Гъасанни, Къасумхурел хъфена, Дуванханадиз чпин. Ахпа цикъвед йисуз хъана Кьибле патан Дагъустандин найиб яз. Эфендидин яратмишунрин умуърда, ибур хъана пара бегъерлу йисар. А йисара Эфендидин кьелемдикай жатна бул, лап маналу ктабар. Къан, месела, сад «Асари Дагъустан», сад «Жарабул мамнун» хъуй, муькуьд «Жарабул Диван». Ада кхъей кьван дастарин, шиирринни чарарин, кьаз жедач кье чавай сан.

Эфендидин бегъерлу тир умуърда, кветлен машгур чка кьур и вакъиа, чи дагълуйри Урусатдин пачагъдиз, акси яз тухвай и кьизгъин женгера чпин машгурвал кьалурна душмандиз. Чи дагълуйри, ва Гъасанан гъунарри, члехи буба, игит муршид, шейх Магъамед Ярагъиди кьалурай рехъ несилриз тарс хьун патал тикрар хъувуна цийиз.

И пудкъанни цлерид йис, имансузри эфендидиз акъвазарна лап багъаз. Кьве йисалай Гъасан эфенди кьуна, ам Тамбовдин губерндиз суьргьунна. Шукур хъурай ам халкъ авур Халикъдиз, кьуд йисалай амнистидик акатна, хтана вичин кваллиз.

Кваллиз хтайвални ада, вичин буба Абдуллагъан медреса лап

цийикла туькьурна. Кьибле патан Дагъустанда гъич санани авачир, алай аямдив, илимрив дуьз кьадай, герек вири ктабрални тадаракрал таъминарна, твар-ван авай пешекарар агудна... На лугъуди, медресада кьаз фонарар куькьурна.

Вич суьргьундай хтайвалди, медресадихъ галаз сад хъиз, Гъасан эфендиди кьакъан вичиз квалерни эцигна. ИкI тахъана гъич жезвачир. Атун-хъфин пара хъанвай Алкъвадрал. И кар алакълу хъанвай медресадихъ галазни, идалай гъейри, таниш-билиш патай кьезвэй кваллизни. Аквар гьалда, бубадин квал куьгъне хъанвай, и девирдив кьазмачир, Гъасан Эфендидин девир, ам эсиллагъ масад тир. А квалерин мешреблувал, чаз Эминан шиирдайни аквазва: «Ви твар кьуна иниз кьезва гъар инсан, «Мубарак хъуй» лугъуз ваз алим Гъасан, на кьапудал кутлуна занжурда аслан, ихтин къариб гъайван хупI ярашугъ я...».

Чна гьикъван фелек-шелек авуртлани фанада, чи умуьрдихъ эхир ава, вичин эхиратдин кваллиз «салам» лугъудай ада. Гъасан Эфендини гила ялгъуз хъанва, зайиф я. Ферз ятлани, ихтин инсан чилик кутаз гъайиф я. «Бес чи пайгъамбар туначни кьван сура? Вахт хъайила ам виридан чка я. Зи чкани гъам тушни кьван кье-пака», - кьетI авуна Гъасана.

Тапшурмишна вичин талукьрал тадиз: «Бубадин гьал пайгарзавач, фад хтурай лагъ кваллиз». Гъа и юкьуз Курхуьруьзни, балкандаллаз, рекъе туна са мирес, ам нин патав, вуч хабар гъаз атанватIа, мус кьведатIа, я кьведатIа, фад хтунни тIалабнава, я гъа хуре, я чи хуре, хьун герек туш са ван сес, и ихтилат чи пуд касдин арада хьун я лап бес.

Са цикъвед югъ алатдамаз, рух-ваярни, хутуларни, акатайвал ваъ гьелбетда, машинраваз, хтана. Дугьриданни, бубадин гьал нахуш тир, амма ам рагъметдиз фенва лагъай гаф, ам таб акъатна, ам буш тир.

Хтайбуруз лап шад хъана, абуруз буба чан аламаз акуна.

Хтай багъа мугъманар, шадвилелди кьабулна, гьер туклуна кьажгъанар, хуьрекрай куьк ацурна. Хуьре авай мукъвабуру илифарна са-сада, хвена абру бубайрин чахъ амай и пак кьайда.

И вахтунда Гъасана, вичин миресдихъ галаз, цийи хъувуна меслят, арада мад кас аваз. Мад Курхуьрел хъфена чин эцигиз и кардал. Геж тавуна хтана мирес фейи чкадай. Хтайвални лагъана: «Валлагъ, мирес, артухан, гафар жезва арада, лагъана хьи, мехъер туш, я тейижир ксар туш, чаз кьведазни кланзава гум датIун чи акадай. Зун Гъасаныхъ гелкъведа анжах суваб паталди. Яшлу хъанвай шейх итим, адаз клан я михъивал, парталдинни бедендин. Бес некаягда авачиз, зун адав гьикI агатин? Я гъадазни, я зазни, кланзавай туш кьез чидай, а алакълу месин. Араба гъаз ша пака, ният михьи яз риклин. Ялгъуз инсан я зунни, чара авач, за гьиклин.

Экуьнахъ фад къарагъна, каплуналла Эфенди, мирес Регъим гъаятда, ава кьекъез кваз тади. Са арадлай айвандик, эфенди кваз акурла, хкаж хъана Регъимни миресда вил акьурла.

-Теспачавал ква хьин вак?- хабар кьурла Гъасана, «Зун теспача жедачни, вун гилани ксана. Пака хъфиз кланзава чи мугъманриз, эгер хабар ятIа ваз.

-Валлагъ, хабар туш, хва, заз. На араба гъазура, абур вири кватIа за.

Регъим тадиз хъфена, вичин гъазурвал акваз. Адаз вичин гъаятда акуна балклан аваз, вичелни пурар алаз. Атайда чирвал гана, Курхуьрелай атанва, и кылин гьал хабар кьаз. Жаваб гана а касдиз, и патга гаф кьекъуьрдай, гъич са касни жедач чаз. Вун атайвал ахлад, дуст, зунни алаз гуьгъуьнал.

Гъасан эфендидин квалел, лап чарасуз ва жавабдар, ихтилатар физва кьиле. «Заз хабар я, зи балаяр, хтай патыхъ хъфиз гъазур жезва куьн. Кье тахъурай, пака хурай, мугъманар я, ферз я хъфин. Куьне хабар кьазвач



Литературадин йис



завай, вучиз эвер хъувурди тир вир-даз санлай. За хабар къан гила квевай. Куьн хъфизва, хъсан рехъ хъуй. Кіани-дакланни авач квехъ садахъни. Захъ игътияж ава жеди, хъфидай вахт хъайилани хабар къазвач хир куьне? Зун нел ихтибар авуна хъфизва. Зун ажалдин саракайни куьрсарнавайди квез чизва. Зи фикир за лагъана, хъаначтани ам дегъне, куь фикирни лагъ куьне».

-Куь вилик чахъ чи фикир хъун мумкин туш. Куь вилик чун луклар я. Аллагъдин рехъ вун феи, чи халкъдин кар на хвейи, чи авамвал на кайи, савадлувал на гайи... ви илимдин гъунар я. Вуч заті я къван чи фикир, лагъ, ви вилик, гъар са буйругъ къе на гудай тамамариз я чун шерик. Куьре пата сад лагъай хуьр, хуьре авай сад лагъай квал, Дагъустанда сад лагъай чіал... ибур туна вун чахъ галаз хкведач. Де на лагъ кван, вун гафарихъ къекъведач.

-Курхуьрел са муьмин дишегъли ала, ам яшариз залай тімил яшлу я, амма сагълавилиз залай жанлу я. Икъван гагъди ам мукъва тир заз вах хъиз. Эгер куьне куь разивал гузватіа, эгер бубадихъ куь рикі кузватіа, ам хкведа зи кваллиз.

-Пара хъсан фикир я, атанвайди ви къилиз. Вучиз кисна ацукънава, рази ятіа, фена хкин ман кваллиз. Вуч лугъуда на буба?

-Гъар са кардихъ вичин эдеб, абур ава. Къве варз къван я, и кваллах чи гъиле аваз, рекъер, сирер дуьз хъайила квез тел яна, гила къуд-вад югъ хъижезва квалле аваз. Гъикъван хийирдин кар ятіан, гъадахъни са абур ава. Чи яцарин гъарабани фадлай фена Курхуьрева. Гила чна нянихъ недай хуьреқдинни къайгъу ийин.

-Валлагъ, буба, ви фикирри Кремлдин сятини хъиз кваллахзава. Чун хуьрерин уьмуьр течиз, ваз тарсар гуз алахъзава.

-Куьн санзини фин герек туш, чи кваллахар чизва чаз. Алиди гъер алажава багъда чи, амай крарни ийида чаз вичи. Заз авайди тек са кардин дидар я, гъа кардикай фикир аваз, зи гуьгъуьлни лап дар я. Квез аквазва дишегъли тахъун квалле, ичи квал я, кур ийидай ви зегъле. Паб авачир квалле итим ажуж я, яр-дуста-

рин арадани адан гъундуьр агъуз я.

Тек дишегъли ажуж жедач итим къван, тек хъунади тівар къачуда чна гъакъан, акъуллу паб кваллин кваллах, гъуьлуьн дамах я, якъин. Гъелбетда зав, и тешпигъар къазвач къе, заз кіамайди, зун кіанзавай, регъимлу, муьмин папа, эхиратдиз реке тун.

-На хъсандиз башламишай ви негъил, перишандиз куьтыгъна гъакі эхир къил. Чаз чизвачтіа, ваз чизва ам хъсандиз, вуна къари, чна диде лугъуда а инсандиз. Ша гъа жуьре башламиш хъийин мехъер.

-Буба, завай хабар къазва сусари, вуч къачуда лугъуз цийи дидедиз.

-За лагъанай, ам куьчедай къуна гъизвай жавла туш. Ам акунриз ва жасаддиз я лап хуш, дишегъли я клубанзамай ва сархуш... Малла Салигъ атанвачтіа, эвера.

-Эфенди, зун ви къуллугъдиз атанва. Завай са кар авун хъана, хъел текъвез хъуй, ваз лап талукъ мукъвабрикай, ви мецелай за иниз ша лагъанва.

-Къавалар я кимизмайбур... Курхуьрелай къил агъадалди аваз, авахъзавай араба...

-Ангъе вуч я араба!- гъарайна са аялди. Гъасан эфендидин квалериз мукъва, арабадай эвичіна сад, аваз инсанрин юкъва, гъахъна вичин гъаятдиз. Абур-мешреб, къадардин буй, тукъвей партал, хъиянавай гимиш сарар ва ширин сес авай ада лагъана:

-Саламалейк, чан хизанар, министирар, губернаторар, аллимарни дхтурарни гуьзелар! Куьн акунихъ вил галай зи, квелай Аллагъ хъурай рази, гъурбатрай хтай балаяр, авач чахъ квелай аялар! Алкъвадарин чан жемьатар, къабула зун куь хизандиз, шейх Гъасанан теклифдалди, атанва зун гъадан кваллиз. Ингъе, вични атанва ам, геьенш айвандин и къилиз. Аквар гъалда, гъазур жезва ам чи гъалллу некаягъдиз.

-Фатіимат, Фатіимат! Бесрай тіун ви теблигъат.

-Малла Салигъ, сабурулу хуьхъ, хъанвач гъич са аламат.

Гъасан эфенди экъечіна айвандик, гъаятдавайбур кис хъана, кутурбур хъиз къайи цик, Малла Салигъни атана, акъвазна адан вилик. Са

къвед-пуд кас мад хтана, абур гъахъна гъа кваллиз, Гъасан Эфенди, Фатіимат, ибур кваз гъабрун вилик...

Маншаллагъ, хъанач жеди и мукъвара, ихътин мавлид Алкъвадарал. Лап баркалла и жемьатдиз, икі тухвай чеб са хизан хъиз. Аферин хъуй Фатіиматаз, яргъал рекъай, атай юкъуз къалурай чаз, вич и кваллин иеси яз. Алкъвадарин дишегълияр, мягътел хъана амукъна, я бахтавар, Фатіимат вах, куьн мавлиддин яргъи йифиз, акунач чаз вун са герен ацукъна. Сифтегъан йиф на и кваллиз кам къачур, ам сад лагъай къадам хъана бахтлувилин, абуруз къведазни акур.

Лугъудалдай на таяриз, бада фена яргъи уьмуьр, ваз акур, Аллагъди ваз хгана гъа зегъмет на члугур. Тунач Аллагъди ви сиве мез какур, фитне, гібет таз фидай вун куьчедал, тарифдин гаф рахадайла, дилавар тир, такабур.

Лугъудалдай вуна рикляй, Йа Ребби, На къисмет ая, Гъасан эфендидихъ галаз, вах-стха яз, къуьн-къуьневаз жемьатризни акваз-акваз фин са магъледин рекъай. Шукур хъурай Сад Аллагъдиз, ви ниятдин михъивили, ви сабурдин мягъкемвили, михъиз хвейи муьгъуьббатди, агакъарна мураддив ви. Сабур-абур я, инсан, чи.

...Са зур йисуз хъана гъа икі... Пакам каплунал алайла, члехи касдин акъвазна рикі. Сад Фаргъад яз, садни Ширин, садан рикіе дердер амаз лап дерин, муькуьданни и фанадин тіямар амаз лап ширин.

Ваз шукур хъуй я Сад Аллагъ, Ваз кіани лукі шейх Гъасаназ, и фана на са фируси хъиз гана, къуй ферикъат хъурай гъана.

Мецел ширин, акъул дерин Фатіиматаз, анжах инсанрин сиверай икі чидай чаз, и дуьньяда дадмиш ийиз тахъай тіямар, На гун хъувун тіалабда чна гъадаз.

Усилена административная ответственность юридических лиц за массовое распространение экстремистских материалов

С 13 мая 2015 года вступили в силу изменения, внесенные Федеральным законом от 02.05.2015 № 116-ФЗ в статьи 13.15 и 20.29 Кодекса Российской Федерации об административных правонарушениях, регламентирующие административную ответственность за распространение экстремистских материалов.

В соответствии с поправками, внесенными в статью 20.29 КоАП РФ, размер штрафа за массовое распространение экстремистских материалов, включенных в опубликованный федеральный список экстремистских мате-

риалов, их производство либо хранение в целях массового распространения, составит от ста тысяч до 1 миллиона рублей.

Кроме того, установлена административная ответственность юридических лиц за производство либо выпуск продукции СМИ, содержащей публичные призывы к осуществлению террористической деятельности, материалы, публично оправдывающие терроризм, или другие материалы, призывающие к осуществлению экстремистской деятельности либо обосновывающие или оправдывающие необходимость осуществления такой деятельности, за исклю-

чением случаев, предусмотренных статьями 20.3 (пропаганда либо публичное демонстрирование нацистской атрибутики, символики экстремистских организаций) и 20.29 (производство и распространение экстремистских материалов) КоАП РФ. Правонарушение повлечет наложение штрафа в размере от ста тысяч до 1 миллиона рублей с конфискацией предмета правонарушения.

А. ГАДЖИЕВ,
помощник прокурора
района, юрист 1 класса.

Ответственность за участие в незаконном вооруженном формировании

К приоритетным направлениям деятельности нашего государства относятся вопросы противодействия терроризму и экстремизму как угрозы безопасности Российской Федерации.

К преступлениям террористического характера законодательство относит участие в незаконном вооруженном формировании на территории нашего государства, а также участие на территории иностранного государства в вооруженном формировании, не предусмотренном законодательством данного государства, в целях, противоречащих интересам Российской Федерации, что предусмотрено ч. 2 ст. 208 УК РФ.

Незаконным вооруженным формированием является организованная вне рамок закона группа лиц, имеющих оружие, боеприпасы и взрывчатые вещества, представляющая угрозу для граждан, конституционного строя и территориальной целостности государства.

Вопросы обороны и безопасности находятся в исключительном ведении государства, поэтому вооруженные формирования не могут создаваться органами власти субъектов Российской Федерации, органами местного самоуправления, общественными объединениями либо гражданами.

При этом, следует отметить, что за совершение участником незаконного вооруженного формирова-

ния какого либо преступления, его действия будут квалифицированы по совокупности преступлений - по ч. 2 ст. 208 УК РФ и по статье за совершенное им преступление.

Вместе с тем, если лицо добровольно прекратило участие в незаконном вооруженном формировании и сдало оружие, оно освобождается от уголовной ответственности по ст. 208 УК РФ и может понести условное наказание в случае, если в его действиях содержится признак другого преступления.

М. АПАЕВ,
заместитель прокурора
района, советник юстиции.

Администрация МР «Магарамкентский район» сообщает, что в соответствии с результатами конкурса от 09.09.2015 года проданы в собственность и в долгосрочную аренду земельные участки

№ уч-ка	место расположения	кадастровая стоимость земельного участка руб.	начальная цена руб.	сложившаяся цена руб.	покупатель
1	с. Филя	1439920	143992	143992	ООО «Экодаг»
2	с. Яраг-Казмаляр	107730	10773	10773	Сефералиев Г.С.
3	с. Калир-Казмаляр	6694	6694	6694	Ислаев А.Г.
4	с. Филя	1800000	180000	180000	Магамедризаев И.М.
5	с.Магарамкент	30532	30532	30532	Беглерова Э.М.

Члехи сувар хъиз

КАЛЕНДАРДА школадилай виликан образованиедин работникдин югъ- жуван профессиональный сувар пайда хъунал чун-бахчайрин работникар гзаф шад я. Магъарамдхуьруьн аялрин «Солнышко» бахчада 27- сентябрдин югъ тербиячидиз бахшна члехи сувар хъиз кыле фена.

Чи аялрин бахчада 230 аял ава. Абуру гъар юкъуз иниз суварик хъиз еримешзава.

Чи аялрин бахчадин кьетленвал адакай ибарат я хъи, ина члехи ва дуствилдин коллективди кваллахзава. Ам районда виридалайни иерди, виридалайни хъсанди, виридалайни къулайди я. Ина

гъинихъ килигайтлани гуьгъуьл шадардай акунар я. Квалерин, къенепатан музыкальный залдин туькюьр хъуни, фойеда ва гъаятра авай цуькверин булвили, патарив гвай аялрин шикилри гуьгъуьл ачухарзава. Руководителдилай башламишна ина гъар сад къулайвал, гуьрчегвал мадни хъсанариз алахънава. Вири аялриз квалехъиз къулай хъун патал.

Ина гъакъикъатдани лап хъсан педагогри, чпин кеспидин устадри, бажарагълу ва яратмишдай тегъердин инсанри кваллахзава. Абурун жергеда 20 тербиячи,

музыкадин руководитель, логoped, психолог, социолог, английский члалан малим, хореограф, физический культурадин руководитель, медицинадин сестра ва 30-дахъ агакьна жуьреба-жуьре къуллугъар ийизвай работникар ава. Гъа и инсанар себеб яз чи аялрин «Солнышко» бахчади республикадин конкурсра «Безопасные дороги детям» номинациядай 1- чка, «Юный эколог» номинациядай 2- чка къуна ва ам РД-дин образованиедин ва

кой», «Чан алай жергеяр», «Кар алакьдай гъилериз сугъулвал чидач» махсус пиплер туькюьрна. Тербиячи Османова Рагнета Альбертовнадин дестедин аялри гъазурай члехи концерт гана.

Суварик гзаф къадар диде-бубаяр, маса мугъманар, образованиедин управлениедин векилар атанвай.

Суварин и юкъуз чи зегъметдиз кьимет гун, чухсагъулар малумарун хуш жедай кар хъана. Иллаки гзаф тер-

биячийрин ва абурун куьмекчийрин зегъмет райондин администрациядин, образованиедин управлениедин ва бахчадин профкомдин Гъурметдин грамотай-



илимдин министерстводин грамотайриз лайихлу хъана. акъалтзавай несил тербияламишунин ва чирвилер гунин рекъе къазанмишай агалкъунрай чи музыкальный руководитель Алик Мирзоевич РД-дин образованиедин ва илимдин министерстводин Гъурметдин дипломдалди лишанлу авуна.

Райондин «Йисан тербиячи» конкурсра чи тербиячийар тир Ирина Юнусовади 1- чка (2013- йис), Эльвира Насрединавади 2- чка (2014- йис), Рагнета Османовади 1- чка къуна.

Тербиячидин йикъаз талукъ яз «Цуькверин мастерс-

ралди, пулунин премийралди лишанлу авун иллаки хуш кар хъана.

Суварин гъа и юкъуз вичин уьмуьрдин 55 йис аялар тербияламишуниз бахшай чи члехи юлдаш, несигъатчи, аялвилдин уьлкведин лайихлу работник гъурметлу Шагмарданова Галина Исаевна лайихлу пенсиядиз рекъе туна. Намуслу ва гзаф йисарин гъакъисагъ зегъметдай адаз Гъурметдин грамотани гана.

Э. МИРЗОЕВА,
аялрин «Солнышко»
бахчадин старший тербиячи.

А.Г. ГУЪЛМАГЪАМЕДОВ

ИГИТ гъунардал фидайла ада халкъдин патай жедай гъурметрикай, машгъурвилерикай, тарифрикай, твар-ван акъатуникай фикир ийизвач. Алим Гуълмагъамедов Агъмедуллагъни гъа игитдиз ухшар хъанва. Ада вичин савадлу вири умуурда тварар патал ваъ, риклин эрзиман мурад къилиз акъудун, жуван хайи халкъдиз хийирлу са кар авун патал зегъмет члугуна.

И йикъара чал члур хабар агакъна. Дарман тахъай азардикди чи твар-ван авай районгъли Агъмедуллагъ Гуълмагъамедович Гуълмагъамедов рагъметдиз фена.

Агъмедуллагъ Гуълмагъамедович 1936- йисуз Муъгъвергандал дидедиз хъана. Ада хуъруън школада, Бакуда алишверишдин техникумда келна, ДГУ акъалтларна. Пуд йисуз ракетайрин къушунра къуллугъна. Азербайжандин илимрин Академияда аспирантура акъалтларай 1966- йисалай инихъ Даггосуниверситетда кваллахзава, вичини сифте йикъалай кафедрадин заведующийвиле.

Ам илимдин гурарайни гъаки инанмишвилелди хкаж хъана: филологиядин илимрин



кандидат, доктор, профессор, Дагъустан Республикадин ва Россиядин Федерациядин тебии илимрин лайихлу деятель, Россиядин тебии илимрин Академиядин гъакъикъи член.

Гъа и йисара ада филологиядин илимрин докторарни, цудралди кандидатарни гъазурна.

Профессор Агъмедуллагъ Гуълмагъамедович общественно-политический умуурдин яцлани хъана. Ам Республикадин «Язы-

кознание Дагестана» журналдин жавабдар редактор, республикадин пуд журналдин редколлегиядин член, Даггосуниверситетда илимрин кандидатвилин диссертацияр хуъдай Советдин председатель, Россиядин илимрин Академиядин Дагъустандин илимрин центрда члалан, литературадин ва искусстводин Институтда докторвилин диссертацияр хуъдай Советдин председателдин заместитель хъана. Россиядин халкъдин культура ва тарих чирзавай Илимрин фондунин ва Россиядин Федерациядин образованиедин Министерстводин вири дережайрин гъалибчи хъун алимдин лап члехи агалкъун хъана.

Ам илимдин реке къазанмишнавай агалкъунриз килигна гузвай Президентдин стипендиантни тир. Адан зегъмет гъаки «За отличные успехи в высшей школе» медалдизни лайихлу хъанвай.

Игитди садра гъунар ийизва, умуурлух твар амукъзава. Алим Агъмедуллагъ Гуълмагъамедован къанажагълу вири умуурни игитдинди хъиз эбеди яз элдин риклера амукъда.

Чна рагъметлудан хизандиз, мукъва-къилийриз дериндай хажалат члугуналди башсагълугъвал гузва.

**«Самурдин сес»
газетдин коллектив.**

Азадогълийрин хуъруън СОШ акъалтларайдан гъакъиндай 2012- йисуз Мирзоева Гуъзел Насрудиновнадиз гайи 05-АБ сериядин 0068113- нумрадин аттестат квахъуниз килигна **къуватда амачирди яз гъисабин.**

Магъарамдхуъруън нянин умуми образованиедин школа акъалтларайдан гъакъиндай 2013- йисуз Магъамедвелиев Ибрагъим Байрамовичаз гайи 05-АБ сериядин 0084388- нумрадин аттестат квахъуниз килигна **къуватда амачирди яз гъисабин.**

«Самурдин сес» газетдин ва ООО «Самур» типографиядин работникри стха

Агъмедуллагъ Гуълмагъамедов кечмиш хъунигъ галаз алакълалу яз Абдулашим Гъажимурадоваз ва адан хизандиз дериндай хажалат члугуналди башсагълугъвал гузва.

Къилин редактор
А. ИСМАИЛОВ.

Газет гъафтеда
садра акъатзава.

Газет Магъарамдхуъруън райондин администрацияда регистрация авуна.
Регистрациядин № 301.

Редакциядин адрес: Магъарамдхуър,
Ленинан куъче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуър, Ленинан куъче, 4. Лезги члал.

Индекс 63340. Тираж 1317.
Заказ № 42.

+7